

Te Heheuraa Api

E ITE IÄ OUTOU I TE PARAU MAU, E NA TE PARAU MAU OUTOU E FAATIAMA

TE VE'A A TE EKALESIA A IESU MESIA I TE FEIA MO'A
I TE MAU MAHANA HOPEA NEI

NENEIHIA I PAPEETE, TAHITI, I TE MAU AVA'E ATOA

Te hoo: E 30 farane i te matahiti.

Nº 7

-- TIURAI 1953 --

MAT. 40.

Ta Tatou Ve'a Api

I roto i te ve'a no te avae Tiunu i mairi a'enei, ua faaitohia maira te hoê parau apî no ta tatou ve'a apî. Ua faaitohia mai i roto i taua ve'a ra, i te avae Setepa i mua nei, e neneihia'i te ve'a apî na tatou. I teie nei ra, te imi nei matou i te mau ravea e haamatahia'i ta tatou ve'a apî, i te avae Atete. Aita e â i papu roa, e haamatahia anei i te avae Atete e aore ra i te avae Setepa. Area ra e haamatahia ihoa â ia i teie na avae i mua nei.

Teie ve'a apî na tatou, te imi nei ia matou i te mau ravea e rave rahi ia farii-maitai-hia teie ve'a, e ia taio-maitai-hia teie ve'a, e ia taio-maitai-hia hoi e te mau taata tei farii i te reira.

Haamana'o i te parau ta tatou i papai i roto i te ve'a a'enei, no ta tatou ve'a apî. Ia outou i farii i te ve'a, a tai'o maitai, e mai te mea, ua mauruuru outou i teie ve'a apî, a faaitohia mai, na roto i te papairaa, i te hoê rata ia matou, e mai te peu ra e, te vai ra te mau faahaparaa a papai-atua-mai i te rata, ia ite matou i to outou mau mana'o. E no reira, mai te mea ua tia i te Atua ra, e farerei ia tatou na roto i te hoê ve'a apî, i te avae Atete i mua nei.
IA ORA NA.

Te Hi'araa No Adamu Raua o Eva

Na mua ta te Fatu hamaniraa i te ao nei, ua haaputupu oia i te mau varua i roto i te hoê apooraa i roto i to ratou faaearaa i te ao ra, ua faaite maira Oia ia ratou i Ta'na opuaraa no te hamaniraa i te hoê ao no ratou ra. Tei reira ia tatou paatoa. E te mau parau ta te Fatu i faaite mai ia tatou, ua faatupu ia i te oaoa rahi i rotopu ia tatou, e tae noa'tu ua oua tatou ma te oaoa.

Area ra ua riri te hoê tamaiti na te Atua. O Lutifera to'na io'a. Tama'i maira oia i te opuaraa a te Fatu, e titau ihora oia ia pee mai te tahi atu a mau varua ia'na. Ua faatupu oia i te orure hau i te ao ra, e rave rahi te mau varua tei pee mai ia'na ra.

Area ra ta te Fatu ra matahiapo, ua tamau maite oia i te pee i muri i te Fatu ra. O Iehova To'na ra io'a. Tirara to'na hinaaro, ia haapao Oia i ta te Fatu mau ohipa, e no reira ua maitihia Oia ei faaora no to te ao nei. Ia tae mai Oia i te ao nei, ua parauhia Oia o Iesu.

Ia Lutifera i tama'i mai ai, na Iehova i aratai te toea o te mau varua i te ao ra i roto i te tama'i, e ua tiahihia ia Lutifera e te mau varua tei pee mai ia'na ra, i rapae au, e ua haere mai ratou i te ao nei, aita ra i horoahia mai te tino tahuti nei no ratou. Teie ia te faahaparaa rahi i nia'ho ia ratou ra, no te mea te tumu i hamanihia te ao nei, ia riro te reira ei parahiraa no te taata nei, e tia'i ia ratou ia haere mai i o nei, e farii mai i to ratou tino tahuti.

Ua ore teie mau mea maitatai pau roa ia Lutifera no te mea, ua tama'i maira oia i te Atua, e mai reira mai â, ua parauhia o Lutifera o Satane, e aore ra te Diabolo.

Eva

a haaputu.
roto i to
a ratou i
ou ra. Tei
a i faaite
ia tatou,

O Lutifera
atu, e titau
. Ua faa-
mau varua

a maite oia
'a. Tirara
ipa, e no
a. tae mai

tai te toea
iahihia ia
pae au, e
nai te tino
nia'ho ia
, ia riro te
ia haere

ntifera no
mai â, ua
o.

I muri rii a'e, i ta te Atua horoaraa i te ô i Edene ei parahiraa no Adamu-raua o Eva, ua haere mai o Satane i roto i te ô. Ua ite papu roa oia e, tei roto i te ô te hoê raau tei faatupu mai te hotu, tei parauhia ia Adamu-raua Eva, eiaha raua e amu. E tia ia raua ia amu i te mau hotu atoa i roto i te ô, maori ra te hotu i faaorehia ia raua. Ua tupu atura teie tumu raau ia riro ia ei tamataraa no Adamu, raua o Eva, ia itehia e haapao anei raua i Ta'na ra mau faaueraa. Ua faaite maira Oia, i te mahana e amu ai raua ra, e pohe.

Ua ite Satane i teie mau mea, e ua mana'o ihora oia e nehenehe ia'na ia faaore i te mau opuaraa a te Atua, mai te peu ra e, e faahemahia Adamu-raua o Eva, e amu i teie hotu i faaorehia ia raua. Ua mana'o ihora oia ahiri raua i amu i teie hotu e pohe ia raua, na roto i to raua poheraa; e faaore-roa-hia te mau opuaraa atoa na te Atua ra.

No reira, ua haere mai o Satane ia Adamu mai te faahema ia'na ia amu oia i te hotu, area ra ua haamana'o Adamu i ta te Atua i faaue mai ia'na ra, e aita roa oia i amu. I muri'ho ua farerei oia ia Eva. Ua faaite oia ia Eva i teie hotu maitai, e ua faaite atoa maira oia, e mea monamona roa teie maa ia amu, e ua faaite atoa maira oia, e mea maitai ihoa ia amu o Eva, ia na reira oia ra, e riro ia oia mai te Atua i te ite i te maitai e te ino. Ua faahemahia oia, e ua amu ihora. I reira, ua tono Satane ia'na i ta'na ra tane e titau ia'na, ia amu atoa oia.

Ua ite Adamu e tiavaruhia Eva i rapae au i te ô, no te mea ua amu oia i teie nei maa, e e faaruehia oia i roto i te ô oia ana'e ra. E mai te peu e, aita ta'na e vahine, nafea ia e haapaohia'i te tahi atu â mau faaueraa na te Atua, ia fanau raua i te tamarii, e ia faaohia te tahi atu â mau varua i nia iho i te ao nei.

Ua ite Adamu, mai te mea e amu oia, aita raua e pohe. E riro ia raua ei nau taata tahuti, e ora noa raua i te mau matahiti e rave rahi i nia i te fenua nei, a pohe atu ai raua ra. I roto i teie mau matahiti e rave rahi, e nehenehe ia raua ia fanau i te mau tamarii e rave rahi, e tae mai hoi te mau varua e rave rahi i nia iho i te fenua nei. No reira, ua amu atoa Adamu, ia faaea noa oia i pihai'ho i ta'na ra vahine.

I muri rii a'era, ua haere mai te Atua i te ô e farerei ia raua. Ua ite Oia e, te tapuni ra raua. Ua pii atura Oia ia raua, na o atura. *"I amu na orua i te maa no te raau, Ta'u i parau ia orua eiaha e amu."*

Ua faaite maira raua i te huru no to Satane faahemaraa ia raua. Riri ihora te Atua ia raua, e ua na o maira Oia *"no te mea ua amu Adamu i to te raau Ta'u i parau atu eiaha e amu, e faaino roa vau i te fenua no oe, e amu oe i te reira ma te oto i to oe pue mahana i to oe na oraraa. E tupu ia te tataramoa, e te motuu no oe, e e amu oe i te raau rii o te fenua nei. E amu oe i tu oe maa ma te hou inia i to oe rae."*

Tiiahia ihora Adamu raua o Eva i rapae au i to ratou ô nehenehe. E no te mea, ua faaino te Fatu i te fenua, tupu ihora te tataramoa e te motuu i roto i te ô ra. Ua faaitoito Adamu raua o Eva i te ohipa faaapu, faatupu ihora i te titona, e te mau maa huru rau, e ua tupu atoa te puaatoro e te mau animala e rave rahi.

I muri mai to te Fatu faainoraa i te fenua, e ua oviri-hia te mau animala, e ua tama'i ratou te tahi i te tahi, e ua riro te ao nei mai teie nei ihoa mahana te huru.

Papahia e Ioane Orotona

Te

I

i ta rato
(Walter
faaterera
nau tae
(Joseph
fenua H
mau oh

T

(Ira Tre
peete ne
fare i Pa
Atua. I
mau taat
Robert (C
i te mata
parau m
te haere
te mau p
api. E
haapiira

Te

Lucy (C
i te fare
na roto i
maitai-at
i te mau
nei, e me
e te mau
i mairi a
e ua mat
te Fatu i

Te Mau Ohipa Na Te Mau Orometua

I teie avae i mairi a'enei, te rave ra te mau orometua i ta ratou ohipa mai te itoitou rahi. Tei Takaroa o Walter (Walter Lynn) e Rotini (Rodney Russell) tei reira raua i te faatereraa i te mau ohipa no te tau hopuraa parau. To tatou nau taeae orometua o Maurice (Maurice Bissell) e Jo (Joseph Childers) te rave nei raua i te ohipa Evanelia i te fenua Hikueru, e te faaite maira raua, e mea maitai te mau ohipa i reira.

Tei Papeete nei, o Taravina (Calvin Hoover) e o Aira (Ira Tree). Te rave nei raua i te ohipa i roto i te oire Papeete nei. Te hahae noa nei raua na roto i te mau utuafare i Papeete nei, mai te faaite-haere i te mau parau a te Atua. E mea itoitou raua, e ua farii-maitai-hia hoi e te mau taata. Ua mauuru matou no te reira. Te rave nei o Robert (Robert Steed) e o Tina (Dean Whiting) i te ohipa i te mataeinaa Paea. E amaa to te Ekalesia i reira, e te parau mai nei raua e, e mea maitai te mau ohipa i Paea, e te haere nei te mau taata i te ma'i pureraa. E mea maitai te mau pureraa i faatiahia i te po mahana toru na te feia api. E rave rahi te mau taata i tae mai, e faaroo i te mau haapiiraa.

Tei te fare orometua, o Reri and e ta'na vahine ra o Lucy (Caldwell). Te haapao nei raua i te mau ohipa buka i te fare orometua nei, e i te mau avatea, te hahae nei raua na roto i te mau utuafare e ao i te Evanelia. Ua farii-maitai-atoa-hia raua. Te orometua ra o Re, te rave nei oia i te mau ohipa i te amaa Papeete nei. E mea itoitou te amaa nei, e mea nehenehe hoi te mau ohipa ori, te ohipa faatai pu, e te mau pupu himene no te amaa nei. I teie mau mahana i mairi a'enei, e rave rahi te feia api tei tae mai i te pureraa, e ua mauuru matou no te reira. Te tere nei te ohipa na te Fatu i mua. Ia ora na ia tatou.

To Iesu Apiraa

(*E mea au teie haapiiraa no te haapiiraa Sabati*)

U. 1 Eaha te huru no to Iesu oraraa na mua i te ahuru ma piti o To'na ra matahiti?

P. Aita e rahi te mau parau faaite no to Iesu oraraa, maori ra, ia ratou i hoi mai ai na Aiphiti mai, ua faaea ratou i Nazareta, i Galilea. Ua tupu maitai Oia, e ua faahereherehia e te Atua ra.

U. 2 Eaha te huru mau no teie oire Nazareta?

P. Tei roto i Galilea teie oire Nazareta, e roo ino hoi to taua vahi ra. E reo huru ê roa to te mau taata tei faaea i reira, aita hoi i au ia faaroo. E rave rahi hoi te mau huru taata tei faaea i reira, oia hoi, te mau taata Aiphiti, te mau taata Arabia, e te mau taata Phonetia atoa hoi. Ua faaino-noa-hia te mau taata no Nazareta, e aita roa ratou i fariihia e to Iudea. E teie parau "*No Nazareta*" ua riro ia ei parau faaino.

U. 3 A faaite i te hoê ohipa i tupu, a tae ai Iesu i te ahuru ma piti o To'na matahiti?

P. I te ahuru ma piti o to Iesu matahiti, ua haere Oia i pihai'ho i to'na ra nau metua i Ierusalem no te Pasa ra. Ia hoi maira to'na ra na metua i Nazareta, ua faaea Oia i Ierusalem, aita ra To'na na metua i ite. Ua mana'o i hora raua tei roto iho â Oia i te pupu taata i te haereraa na nia i te purumu. Ia mairi ra te mahana, e aita Oia i haere mai i pihai'ho ia raua ra, ua tupu to raua mata'u, e ua hoi raua i Ierusalem e imi Ia'na. E toru ia mahana to raua imi-noa-raa Ia'na, a itehia ai Oia i roto i te Hielo. Tei pihai'ho Oia i te mau orometua e te faaroo ra Oia i ta ratou mau parau,

te ui atura hoi Oia i te mau parau paari ia ratou. Ua faahapa rii maira To'na na metua Ia'na, ua parau atura Oia ia raua. "Eaha orua i imi ai Ia'u? aita orua i ite e ia haapao Vau i ta tau Metua e tia'i?" No reira, e ite ia tatou e, i To'na api-roa-raa, ua ite Iesu i te huru no te ohipa i haamana'ohia Na'na ra. Noa'tu ra te reira, mai te haapao maitai i ta ta'na metua i parau ra, hoi atura Oia i Nazareta i pihai'ho ia raua ra. I muri'ho i To'na hoi-raa-atu i Nazareta, aita i rahi te mau parau faaite no te huru no To'na apiraa, maori ra te hoê parau poto, i papaihia e Luka, i te pene piti e te irava pae ahuru ma piti, na o maira te tai'oraa, "Tupu atura Iesu i te rahi e te paari, e te herehia mai e te Atua e te taata atoa.

U. 4 Eaha te Pasa?

P. Ua riro te Pasa, ei haamana'oraa i to te ati Iuda, e to ratou faaoraraahia, e to ratou faatiamâ-raa-hia i to Aiphiti, e haamana'oraa hoi, ua faaorahia to ratou mau matahiapo taatoa, a pohe noa ai te mau matahiapo o to Aphiti. (Exodo 12:27) Ua riro atoa ia ei haamana'oraa na te ati Iuda i te taeraa mai o te Mesia, e To'na ra oto e To'na ra mamae hoi no te taata nei. (I Kolinetia 5:7) e te (Salamo 106.)

U. 5 Eaha te tau no to Ioane Bapetizo haereraa mai ei orometua?

P. E tae a'era i te ahuru ma pae o te matahiti o te hau o Kaisara Tiberio, ua haere mai te hoê taata, mai te a'o-haere i te Evanelia, o Ioane Bapetizo to'na ra i'oa.

U. 6 O vai na metua o Ioane, e no roto mai raua ia vai?

P. E tamaiti oia na Elizabeta, no roto mai i te huaai o Aarona, e fetii hoi oia no Maria, te metua vahine no Iesu. To'na metua tane o Zakaria ia oia, te hoê tahu'a i roto i te hielo. E no roto mai oia i te huaai o Davida.

U. 7 Faaite mai i te huru no to Ioane fanauraa, e to'na apiraa.

P. E mea paari roa Zakaria raua o Elizabeta, a fâ mai ai te hoê melahi ia Zakaria, o Gaberiela to'na i'oa, mai te faaite ia'na e fanau ta'na vahine i te hoê tamaiti, e ia parauhia to'na ra i'oa o Ioane. Ua parau atoa maira te melahi, "e rahi hoi oia i mua i te aro o te Fatu, e ore e inu i te uaina e te ava taero; e faaîhia ra oia i te Varua Maitai mai te opu mai â o to'na metua vahine. E e rave rahi te tamarii a Iseraela ta'na e faafariu i te Fatu i to ratou ra Atua. E e na mua oia ia'na i te haere, ma te aaui toito e te mana o Elia, ei faafariu mai i te aaui o te feia metua e te mau tamarii, e te feia faaroo ore, i te parau a te feia parau-tia ra; ei ia faaineine i te hoê pae taata ia au no te Fatu," (Luka 1:15-17) Ia tae taua mahana ra, ua tupu te mau mea atoa i parauhia mai e te melahi. Ua fanau teie tamaiti, e i te vau o te mahana ua peritomehia oia, e ua parauhia oia Ioane. I taua taime ra, ua matara to Zakaria arero, tohu a'era oia, e parauhia Ioane e peropheta no te Teitei, e na mua hoi oe i te mata o te Fatu i te haere, ei haamaitai i To'na ra haerea i te faaiteraa i To'na taata i te ora, i ta ratou hara ia matara, i te aroha rahi o to tatou Atua, i taea mai ai ia tatou te maramarama no nia mai, e haamaramarama i te feia e parahi i te pouri, i roto i te maru pohe; ei aratai hoi i to ratou avae na te e'a hau." (Luka 3:76-79) Tupu a'era taua tamaiti ra, e itoito atura hoi te aaui, e tia hoi i te mau vahi moemoe e tae roa a'era i te mahana i faaite-hua-hia'i oia i to Iseraela. (Luka 3:80) Ua faaite-atoa-hia, ua oomo oia i te ahu huru-huru Kamela, e ua tatuahia to'na tauupu i te iri pu-aa, akaride e te meli o te fenna aihere ta'na maa. (Mat. 3:3-4) Ua faaite-atoa-hia ua porohaere oia i te medebara i te bapetizo tatarahapa ia faaorehia te hara. (Luka 3.)

U. 8

P.

U. 9

P.

U. 8 Eaha na parau faaite rarahi e toru ta Ioane i a'o atu i te taata?

P. I. Tatarahapa, ua fatata mai te basileia o te Ao. 2. Faaineine i te haerea o te Fatu, e faatitiaifaro i To'na e'a. 3. Te haere mai nei te hoê taata i muri'ho ia'u, e ua riro oia i mua ia'u, o te ore ia e au ia'u ia tatara i te tapea i Ta'na tamaa, e bapetizo ia oia ma te auahi e te Varua Maitai.

U. 9 Nafea maira Ioane, a farerei ai oia i te mau Phari-sea e te mau Satudea?

P. Ia haere noa mai te mau taata e rave rahi e faaroo i te mau haapiiraa a Ioane, ua haere atoa mai te Pharisea e te Satudea. Ua i to ratou mau mafatu i te inoino, e tei nia i to ratou mau utu te haavare. Ua faahapa maira oia ia ratou, na ô maira. "E te mau fanau'a ehidena, na vai outou i faaara, e e mane e atu i te pohe e fatata mai nei" ua faaue oia ia ratou ia tuu mai na i tei au i te tatarahapa; e eiaha outou e parau i roto ia outou iho e, o Aberahama to matou metua; e parau atu hoi au ia outou, e riro teie nei mau ofai ei tamarii na Aberahama i te Atua. Ua faaite atoa maira oia ia ratou. "Te vai nei te opahi i te tumu raau i teie nei e te mau raau atoa aore i hotu mai i te huero maitai ra, e tapuhia ia, e titirihia i roto i te auahi. (Luka 3:7-9) E reo ê roa teie i parauhia maira i taua feia ra, no te mea, ua matau ratou i te faaroo i te mau parau faateitei ia ratou iho. Area ra, e mai te puai e te mata'u ore, ua faahapa maira oia i te mau telona no ta ratou titauraa i tei ore i haapaohia na ratou, e ua a'o maira oia i te mau faehau, eiaha ratou e hamani ino i te taata.

Te vai atura

PARAU RII API

To Tatou Amuiraa Rahi I Te 18, 19, ete 20 No Setepa

I roto i ta tatou ve'a i te avae Tiunu, ua faaitehia e faaterehia te hoê amuiraa rahi i Papeete nei.

Ua hape ia matou i roto i taua ve'a ra, i te mahana i haapaohia no te amuiraa. Ua papaihia ia i roto i te ve'a no te avae Tiunu, e faaterehia te amuiraa i te 19, 20, e te 21 no Setepa. Teie nei ra, te faaite papu atu nei matou, te mahana mau i haapa'ohia no taua amuiraa ra, o te 18, 19, e te 20 no te avae Setepa.

Mai te au i te mau parau i papaihia i roto i te ve'a, e ravehia te mau ohipa huru rau, e te anihia'tu nei, mai te peu e nehenehe, te mau melo o te Ekalesia ia tairuru mai no teie nei amuiraa rahi. Ei reira tatou e ite ai i te haereraa o te mau ohipa a te Atua i mua, e te mau ohipa hoi tei rave-haere-hia i tera vahi, e tera vahi, e te mau ohipa hoi e opuhia no teie matahiti.

No reira te ani-faahou-hia nei tatou taatoa, mai te peu ra te vai ra te ravea, haere noa mai i ta tatou amuiraa, e farerei te tahi, i te tahi, te mau taeae e te mau tuahine, e faatupu hoi i to tatou mauruuru, e to tatou here te tahi i te tahi na roto i te ohipa o te Evanelia.

Ua Maitihia Walter E Reri E Na Tauturu No Te Peresideni

I teie na mahana i mairi a'enei, ua maiti te Peresideni o Ioane, i to'na ra na tauturu, no te faatereraa i te mau ohipa Misione i teie mau fenua.

Aug

Ua maiti oia ia Walter, orometua (Walter Lynn) ei tauturu hoê e ua maiti atoa oia ia Reri (Larry Caldwell) ei tauturu piti.

Ua farii raua i teie na toroa api, e i teie na mahana i mua nei, e faataahia raua no teie ohipa api.

Te Poheraa o Viriamu Biridi, Orometua

Ua tae mai te hoê parau api ia tatou, na nia mai i te manu reva, no te poheraa o to tatou taeae orometua Viriamu Biridi.

Ua tae mai Viriamu i Tahiti nei i te matahiti piti ahuru ma toru, e ua rave oia i te ohipa orometua, e tae noa'tu i te matahiti piti ahuru ma ono. I to'na taeraa mai i Tahiti nei, ua tonohia oia i te mau fenua Tubuai, faaea ihora oia i reira hoê matahiti. I muri'ho, ua tonohia oia te mau fenua Tuamotu. Ua faaea oia i Faaite, Takaroa, Hikueru, e te tahi atu â mau fenua. E taata itoito roa oia i te ohipa orometua. E haamana'ohia oia no to'na rouru uouo.

Ia'na i hoi atu ai i te fenua Marite, ua rave noa oia i te ohipa maitai i roto i te Ekalesia, e noa'tu ua tupuhia oia i te mai mafatu, ua tamau noa oia i te haere i te Hielo, a rave ai oia i te ohipa no te feia i pohe. E noa'tu to'na ra ma'i, ua haere tamau noa oia i te Hielo e tae noa'tu i na mahana rii i mua mai i to'na ra poheraa.

E pae ahuru ma piti to Viriamu matahiti, a pohe ai oia ra, e te ora maira ta'na vahine e e ono tamarii, e ta'na ra tamaiti matahiapo, tei roto i te faehau i te fenua Iapone, e aita oia i tae mai no te hunaraa.

Ua Topahia Te Io'a "Eaturu Moromona" I Nia Iho I Te Eaturu Rahi No Te Anavai Pape No Missouri

I roto i te fenua ra o (Omaha Nebraska) i te Anavai pape o Missouri, ua hamanihia te hoê eaturu rahi roa, no taua Anavai pape ra,

Ua topahia te io'a, Eaturu Moromona, ei haamano'o i te mau ati e te mau peapea o te Feia Mo'a, a haere noa'tu ai ratou i Uataha, na roto i teie Medebara hoê hanere e tia-hapa matahiti i mairi a'enei. Teie ia te hoê vahi i roohia'i te mau taata Moromona, i te mau ati huru rau. Tupu a'ere te mau ma'i rarahi i reira, pohepohe ihora te tahi pae o ratou e rave rahi.

I taua tau ra, ua hamani-ino-noa-hia te feia Moromona e te mau taata i taua vahi ra. I teie nei, ua farii-maitaia hia te mau melo no te Ekalesia i reira, e no reira hoi ua faatura ratou i to te Ekalesia, na roto i to ratou toparaa i te io'a E'aturu Moromona i nia i taua e'a ra.

Ua anihia te Feia toroa no te Ekelesia ia haere i reira no te tomoraa i taua e'a ra, e na te Peropheta ra o Davita o Make i faahiti mai i te pure haamaitairaa no te tomoraa i tera Eaturu nehenehe.

Te faaite atoa'tu nei to te Ekalesia i to ratou maururu rahi no teie ohipa faahiahia roa i ravehia, e no te mea hoi, ua tomohia teie eaturu i te mahana fanauraa o Birika-ma Iona (Brigham Young)